

眉山縣志卷八

兵防志 防汛 防禦 故事 民兵 警兵

眉當省會南路之衝川中歷代兵事若經南路必視眉為安危然自光武伐蜀後罕有越眉而上者是眉為川南重鎮不可不慎為設防矣綜厥往事以昭來許

防汛

唐中和元年置保勝軍防禦使治眉州宋置眉州防禦使明置駐防千總一員清置右司把總一員隸阜和協峨邊營□設馬□戰守兵五十名雍正六年復設彭山縣分撥兵二十五名祇存馬兵一名戰兵六名守兵十八名乾隆五十七年改隸提標中營嘉慶

眉山縣志

卷八兵防志 防汛

一

漢文石印社代印

二年添設新兵七名共舊額兵三十二名分防桃子源水塘一處松江鋪虎皮鋪雁磨鋪金牛鋪龍安鋪陸塘五處後 廢光緒中葉添派行營駐防宣統元年改兵製裁汛缺民國置防尚無定制
民兵

宋太祖開寶八年設夔州路義軍士兵壯丁州縣籍稅戶充之遇寇遣使徵討官軍但據險策應其校長之名隨州縣補置月給衣糧有功者以次遷孝宗淳熙五年刺史胡元質言關外西河階成鳳四州所聚兵謂之忠勇皆土兵為之向來虞允文團結四川忠勇其後不能增募乞令四川守臣增募仍立賞格明洪武三年詔四川立民兵萬戶簡民間武勇教之技擊編隊伍時操練清會典

載順治四年各省州縣設立民壯五十名寢久不加操練有名無實雍正六年上諭文員應給防護之兵以備捍禦之用七年因山東濟甯匪類拒捕奉文設民壯二十名每名歲給工食銀六兩九年因總督田文鏡奏分別衝僻量為裁減眉減去四名存一十六名歲給工食銀八兩乾隆十一年仍復舊額二十名民國二年州知事李芳改設衛兵增至六十名三年改為警備隊八十名領以隊長分巡四路時有隊長游得勝於西北路捕獲要匪頗著勤勞沒後稱之其經費在糧稅附加八年加募練丁專屬團練局增至一百二十餘名復於公告費附加計先後歲收銀約一萬餘元練丁領以練長正副各一人分隊長四人率丁分駐四路所率練丁

眉山縣志

卷八兵防志

民兵警兵
防禦故事二

漢文石印社代印

量地繁簡撥給無事分巡信地有警互為策應爾來營領得人地方恃以無患

警兵自清光緒三十二年由地方籌款開辦以資保衛原額四十名民國八年減去十名現額三十名

防禦故事

漢建武十一年春岑彭討公孫述述遣延岑等守廣漢及資中又遣將侯丹率二萬餘人拒黃石黃石今涪州時彭已由江州轉墊江今合州上平曲今遂甯潼川境因使護軍楊翕與臧宮拒延岑等於涪水自分兵浮江嘉陵江下還江州沂都江而上襲擊侯丹大破之因晨夜倍道兼行二千餘里徑拔武陽今眉彭地使精騎馳廣都去成都數十里

勢若風雨所至皆奔散初述聞漢兵在平曲故遣大兵拒之及彭至武陽繞出延岑軍後蜀地震駭述大驚以杖擊地曰是何神也時臧宮亦在涪水矯制取謁者馬七百匹多張旂幟為疑兵進攻延岑延岑奔成都

漢書

漢中平元年涼州黃巾逆賊馬相趙祇等聚眾綿竹殺縣令李升募疲役之民一二日中得數千人遣王饒趙播等進攻雒城殺刺史儉并下蜀郡犍為旬月之間破壞三郡相自稱天子眾以萬數又別破巴郡殺太守趙韙部州從事賈龍率領家兵在犍為之青衣率吏民攻相破滅之

華陽國志

晉咸甯三年春刺史王濬誅犍為民陳瑞瑞初以鬼道惑民自稱

眉山縣志

卷八兵防志

防禦故事

三

漢文石印社代印

天師徒眾以千百數濬聞以兵誅瑞及其黨袁旌等焚其傳舍華

陽國志

晉建元元年蜀獠民從山出自巴至犍為梓潼布滿山谷大為民患境內蕭然

華陽國志

三年春桓溫伐蜀軍至青衣李勢大發兵遣咎堅等將之自山陽趨合水

在今嘉定青衣水所合

諸將欲設伏江南以待晉兵咎堅不從引兵

自江北駕鴛碕

敘州南

渡向犍為溫自將步卒直指成都咎堅至

犍為乃知與溫異道還自沙頭津

崇慶州新津縣

濟比至溫已軍於成都

之十里陌堅眾自潰

華陽國志

唐貞觀二十二年將征高麗遣使發蜀民造舟役及山獠於是雅

眉邛三州獠叛發隴右峽中兵二萬餘人以擊之造船之役州縣督迫嚴急民至賣田宅鬻子女不能供穀價踊貴劍外騷然唐咸通十年十二月南詔陷嘉黎雅等州初南詔遣使來謝釋董成之囚定邊節度使李師望屯重兵嵩州以邛州為理所欲激怒南詔以求功遂斬其使師望貪殘士卒怨怒詔以竇滂代之時南詔酋龍入寇嵩州安再榮守清溪關退屯大渡河北扼之蠻密分軍出沐源川陷犍為及嘉州酋龍進攻大渡河南岸滂遣將帥五百人拒之覆沒然酋龍終不能北渡乃詐納和語未畢乘船筏爭渡滂軍騎宵遁遂進陷黎雅邛十一年二月據嘉州蠻亦進攻成都次眉州節度使盧耽與前瀘州刺史楊慶復共修守備募驍勇

眉山縣志

卷八兵防志

防禦故事

四

漢文石印社代印

士號曰突將時興元鳳翔援兵已至漢州滂阻之令勿前蠻合梯衝四面攻城城上投火沃油焚之慶復率突將出戰殺蠻二千餘人少却復攻城城中復出兵擊之乃退貶竇滂康州司戶唐僖宗惡田令孜以令孜所恃者陳敬瑄乃從王建請以韋昭度鎮西川兼兩州招撫使文德元年十二月敬瑄令孜聞韋昭度將至治兵完城以備之詔割邛蜀黎雅置永平軍以王建為節度使削敬瑄官爵龍紀元年感義節度使楊晟為王行瑜所逐棄興鳳走據文龍成茂四州田令孜使守彭王建攻之陳敬瑄使眉州刺史山行章將兵五萬壁新繁以救建大破之晟懼徙屯三交宋淳化四年正月青神民王小波李順聚眾為亂殺眉州彭山縣

令齊元振初蜀亡其府庫之積悉輸汴京後任事者競趨功利於常賦外更置博買務禁商賈不得私市蜀地狹民稠耕稼不足以給由是小民貧困小波因謂衆曰吾疾貧富不均今為汝均之貧者爭附遂攻青神掠彭山殺縣令剖其腹實之以錢惡其誅求無厭也更攻圍眉城半年不下旁邑響應西川都巡檢使張玘與戰於江原江射殺小波而玘亦死之其黨推小波妻弟李順為主衆至數十萬攻陷綿漢彭邛進攻成都陷之五年正月命宦者王繼恩為兩川招討使雷有終為轉運使討之王果率兵趨劍門尹元率兵由峽路進二月順分衆數萬寇劍州劍門都監上官正有疲卒數百激以忠義力戰以守會成都監軍宿翰兵至正與之合迎

眉山縣志

卷八兵防志

防禦故事

五

漢文石印社代印

擊賊衆大破之斬馘幾盡餘三百人奔歸成都順怒其驚衆盡斬之時朝廷深以棧道為憂於是閣道無壅王師得以長驅西進順又攻施州亦為劍兵所敗三月詔凡被脅從能歸順者并釋其罪四月王師由小劍門路入研石寨破其衆斬首五百級追至綿州順兵望風奔走殺戮及溺死者不可勝計又遣曹習破賊於老溪進復閬巴蓬劍等州五月破賊十萬衆斬首三萬級獲李順復成都生擒偽樞密使并甲鎧僭偽服用甚衆其黨復攻陷嘉戎等八州繼恩等頓師不進專務飲博其下恣橫剽掠餘勢復張八月張詠知益州遣正翰楊瓊衛紹欽等分出且舉酒囑軍校曰爾等荷國厚恩此行當平蕩醜類若老師曠日此地還為爾死所矣由是

正等決行深入大致克捷時民多脅從詠諭以恩信使各歸田里
明年正月帝下詔罪己曰朕委任非當燭理不明致親民之官不
以惠和為政管權之吏惟用刻削為功撓我蒸民起為狂寇念茲
失德是務責躬永鑒前非庶無貳過聞者咸悅二月餘黨攻眉州
翰擊敗獲之悉平

清順治元年八月初九日流賊張獻忠陷成都分陷各州縣十月
賊將狄三品陷眉州二年七月賊將劉文秀陷丹稜踞其署驅城
中民於西門外濟橋殺之屍與橋平又遣兵搜山以繩絡男婦擁
至江陵廟殲焉剗北山為教場操兵三月而去時邑人彭萬崐謀
拒賊為持牛酒偵賊營聚勇壯守險阨賊入鄉輒殺之有打糧賊

眉山縣志

卷八兵防志

防禦故事

六

漢文石印社代印

三百突至設伏誅於三溪口賊不敢近一鄉獲全三年正月初五
日屠眉州先期狄三品傳令除城盡勦民不悟以為入城可免老
幼盡避城中是日驅城中人集道姑巷田壩上悉屠之州民陳登
皞混名鐵脚板憤賊殘酷裂衣為旗招集四鄉遺民得數千樹柵
醴泉河上賊攻之登皞率衆白梃鋤耰殺賊三百賊懼從間道潛
移東館登皞復遣壯士持酒米雞豚迎於道賊納之營中夜半襲
營壯士從中鼓噪殺出賊大駭競奔復斬首數百賊遁去登皞自
以鐵勝名營遠近悉歸之二年中無一騎犯境者後嘉定向成功
率衆欲節轄登皞登皞不從成功圍之登皞力戰死成功遂踞其
地三月明參將楊展恢復嘉定獻忠遣劉文秀狄三品來攻敗去

展盡復眉邛雅諸州邑獻賊殺川民已盡率兵十數萬裝金寶數千艘順流東下欲乘勢走楚楊展逆於彭山之江口縱火大戰燒沈其舟賊奔北士卒輜重喪亡幾盡復還成都展取所遺金寶以益軍儲自是富甲諸將獻賊走川北展追賊於漢州不及而還冬十二月王師誅獻忠於鳳凰山五年故賊將袁韜武大定歸楊展展愛其才武厚待之令韜屯犍為大定屯青神六年袁武刺殺楊展初明故巡撫李乾德怨展遇已疎略陰勸袁武圖展會展壽置酒犍為邀展展醉刺殺之遂圍嘉定三月城陷展子璟新出奔袁武悉併其資與衆獻賊誅後賊將孫可望劉文秀等竄入雲南聞展死使王自奇向川南劉文秀白文選等取遵義於是全川復陷

眉山縣志

卷八兵防志

防禦故事七

漢文石印社代印

於賊八年文秀攻嘉定袁武敗降於賊九年大兵至眉州向成功據守石佛棧大兵攻破其柵成功中流矢死三月南征下嘉定十年大破劉文秀等於保甯繼下重慶敘州馬湖等屬康熙元年壬寅冬十二月總督李國英統秦豫廣三省會四川進勦餘孽俱盡全蜀收入版圖招來安集始獲享昇平之福矣以上舊志

清咸豐十年庚申三月初七日滇匪藍大順由犍為五通橋經井研過虎渡溪襲取青神縣初八日竄眉駐黃中壩適參將明耀光帶兵五十餘人過眉知州李德良率士民挽留之遂登城為守禦計婦女皆氈笠持梃聽派遣令街民搬石置城上塚一人人備一石灰罐時人聲沸騰恐賊偵虛實令各口含烏梅水避毒烟自未至西部署未畢賊已踰城南濠矣噪聲震地城

上靜以待賊頂桌蟻附緣城耀光舉石殪之立塚上以帶擊腰石

外擲下并轟斃白旗賊目更番死突不獲逞四鼓始退次夜轉犯

城西亦被却賊知守禦嚴整大罵遯去分二路一尙彭

十一年辛酉三月二十六日滇匪李永和短外號遣偽將何春山何號

子馬蟻率衆千人入眉南經筒車灣即松江向多悅鎮西去四月初

九日李逆由青神縣上犯外營駐黃中壩分竄附城西北象耳寺

張菴子快活山聯營二十餘里復為持久計萃精悍死黨於爛婆

嶺虎皮塘今鎮南橋五里山松江口鐵門坎各處橫列數十壘倚松江

口之劉家祠為巢穴時州牧李鈺汎高登第苦無兵適峨邊翼長

馬旭林領兵數百過眉暫留防守十五日州人參將陳祥興接官

眉山縣志 卷八兵防志 防禦故事 八 漢文石印社代印

紳函由潼川率隊回駐馬翼長得代赴省祥興至與 鏖戰連日

駐兵西城外篴子街黃墳壩各處氣殊壯五月端節酒後疏防夜

午賊率大隊掩襲西城外營全被擣毀死者數千賊追過通惠橋

被城上銅砲轟退砲為李牧及祥興新鑄賊踞樹倚石為蔽祥興屢出攻之

親冒矢石衆皆奮激時東門外有武生鄧維瀚汎兵葉長青率團

勇兩營駐馬家渡截賊水道賊自明家渡來奪營屢被維瀚團勇

擊退最後嚴整砲彈詐呼藥盡誘賊前轟之斃三百餘人至今猶有

馬家渡兵氣益振自夏迄秋省援未至祥興督兵暨團練多方防禦

賊卒不得逞九月二十五日賊先鋒卯得興由河東竄踞驛頤山

及姜家渡城內運道梗鹽米缺乏正謀東渡攻之而省檄大軍齊

集矣當是時駱秉章初督川聞警即調湘果軍胡中和蕭慶高何勝必率隊由眉西北將軍廟多悅鎮進紮順河場果毅營曾傳理護軍營劉德謙督同朱桂秋彭泰和侯光裕各營紮悅興場金魚寺一帶參將唐友耕奉命進勦河東賊壘由邛州引軍先至十月初一日友耕黎明出隊直撲快活山分擊張菴子祥興從之時彭山知縣蹇閻大率鄉團至一鼓齊進呼聲雷動夾擊破快活山賊營時賊奪得團旗立營外唐軍見之河東邠賊乃竄渡黃中壩踞張家坎祥興乘勢率衆連日奮擊分攻癩疤石象耳寺斬獲頗多賊不支初五夜象耳寺賊焚壘竄退祥興孤軍急追天明近黃中壩賊盡力反撲祥興退三橋鋪適駐城北普照寺果毅護軍各營

眉山縣志

卷八兵防志

防禦故事

九

漢文石印社代印

率兵至分三路迎擊賊大敗祥興隨大軍追過黃中壩焚燒沿路賊營是日湘果軍亦由順河場進駐象耳寺方謀會勦松江口賊巢忽何馬蟻子與劉逆婦率衆由萬勝場東館竄踞東瓜場今名修文初八早藍逆復遣花旗賦由丹稜來合初九日湘果軍分三路攻東瓜場一由白家冲龍拖子進一由葉廟子賊衆越思濛江來拒甚猛湘果軍三面環攻賊潰敗斬馘千餘逼水淹斃尤衆直追至李子橋龍興場引還李逆聞耗急遣悍黨萬餘由松江口來援湘果軍迎戰夾擊賊又大敗提督胡中和十月十一日各軍會勦松江口賊巢果毅營為中路由醴泉江東岸直趨松江口賊踞橋設口殊死拒乃分兵由上游山曲潛渡沿西岸下襲賊驚亂遂奪橋

進護軍營為左路由黃中壩分兩翼涉水飛渡合力衝入賊不支
退入場俄大奔潰將西竄合徐家冲賊股維時湘果軍任右路由
虎皮塘向松江口進攻搜勦徐家冲伏賊代將劉景春因中傷率隊
東會見賊西竄截擊之賊東南奔即跟追至雙鳳橋賊衆併力死
戰果毅營曾傳理急調各軍奔赴奮攻直前賊潰奪劉家祠大壘
得李逆婦戮之四面焚勦伏屍遍野賊分兩路奔竄一奔五里山
一奔大江計入水寨東竄李逆在焉初唐友耕同黎得盛奉令駐
河東防賊東竄分隊嚴守石佛鎮太平場與水師管帶陳紹蕙排
列砲船於張家坎對岸伺隙攻勦聞賊敗即飭所部過河攻破賊
水寨寨列江中沙洲間賊至見寨破急刺船下竄復被石佛鎮伏兵攔截

眉山縣志

卷八兵防志

防禦故事十

漢文石印社代印

砲船亦繼進賊棄船向西岸奔逃焚溺死者無算是夜徐家冲五
里山各賊黨均棄隘退竄青神唐友耕移駐鴻化堰眉境遂平湘
果果毅護軍各營隨拔赴丹稜會同川軍署提督蔣玉龍將藍逆
餘黨一鼓殲除據丹稜縣志十一月初四日大軍會攻至十一日
藍賊潰竄斃賊弟藍二順於插旗山次年同治元年會剿克復青
神

按陳祥興戰功見蔡梅庵籌蜀記甚詳謂自咸豐庚申年以軍
功遊擊由皖南軍營請假省親回川投效提督蔣玉龍即計襲
趙家渡賊營追逐千里保全川東州縣克復榮昌遂甯圍救
潼川皆因糧於賊立功萬難之中卒不見錄其後駱文忠督川

言罪者日至竟置諸法文忠賢人也擬祥興罪當無誤梅庵雖有言鮮不謂其阿於保薦之私故為附曾然竊就護眉之役攷之李逆自四月圍眉祥興由潼率募率萬人歸守與賊相持八閱月省援未至微祥興保無淪為賊藪乎且即文忠奏牘細核之大軍十月至其始與唐友耕同破快活山賊營次日追賊近黃中壩者陳祥興也及破松江口賊巢乃不聞有祥興名今銜之者僉以所部未免擾民為言夫率無餉之兵而能驅饑策疲死戰以守相持數月使眉不陷於賊卒俟大兵援至一掃去之眉為省垣門戶眉全而川全而西南恃以無恐似不能盡掩其護城之功也撮其大概以待公論

眉山縣志

卷八兵防志

防禦故事 十一

漢文石印社代印

附記川督奎俊忠義錄所列藍李賊亂眉州殉難士民

汪宗才軍功隨團在青神水打林與賊戰陣亡咸豐十一年三月二十四日

劉登騰劉永華侯中饒朱俸貴彭萬俸在鴻化堰隨團陣亡二十

葉茂彭占鰲在治南松江口陣亡四月初八日

沈天德在黃中壩督團陣亡十二日

王紹釗在長腰山隨團陣亡十三日

劉永昌在蹇山塢隨團陣亡二十八日

陳大銀王萬田李傳海陳大進劉天洪陳永先金朝貞唐盛有何雙童李傳英李傳輝李朝寬金安相杜廷珍杜廷喜羅啟耀吳明德王應聰古學槐在金花場隨團陣亡二十六日

李慶在通惠橋隨鄉勇陣亡 五月十一日

余世滂卯逆竄踞通義鄉在大石橋等處打糧世滂鳴鑼聚衆前往攻擊因衆寡不敵被賊殺死 二十三日

王清儒隨團在象耳寺陣亡

金啟壽閔紹慶隨團在賀家林陣亡

雷鵬舉毛有乾毛玉童王萬基李逆竄擾悅興場協隨團衆與賊接仗力竭陣亡 以上均六月初九日

李長春軍功隨團在西門外陣亡 七月初五日

高啟臣鄧連剛劉應元在高河坎隨團陣亡

何應萬何占鰲在三橋鋪隨團陣亡 以上均初七日

眉山縣志

卷八兵防志

防禦故事

十二

漢文石印社代印

劉鴻恩周國斌隨團在快活山陣亡

周映春周吉人

映春子

劉鴻惠李逆踞悅興場隨團與賊接仗陣亡

以上均十四日

周忠貴周洪政隨團在黃連廟陣亡

何超在快活山陣亡 以上均二十八日

賀春山閔世什隨團在快活山陣亡

賀秀廷在張菴祠陣亡 以上均八月十一日

宋正惠隨團在任店子陣亡 二十六日

李春華隨團在快活山陣亡 二十八日

徐洪龍張大光鄒知習蒲春浩趙應邠李國柱馬天福陳金文張

崇千鄧啟東馬天玉羅洪玉余龍陳進鵬胡朝愷劉龍芳劉芳龍
權萬才易天朝王天福尹全金劉朝在劉正斛王明春沈子山王
德榮王德珍王德春易天義曾代文劉尚崇李世祐胡朝喜楊天
照鄭成清鄭啟春鄭啟尚吳仕秋苟世宣李元海隨團在崆峒石
陣亡

劉入山劉玉有王九龍李朝輔劉正才王啟常在沙灘陣亡以上均

二月初

劉廷彪隨團在快活山陣亡初四日

張賀喜隨團在東皇觀陣亡初六日

王一奎隨團在東瓜場陣亡初八日

眉山縣志

卷八兵防志

防禦故事

十三

漢文石印社代印

李賢龍在萬勝場陣亡彭武彰張洪興在李子河陣亡初十日

陳世元羅廷發林緒鄧汝林李澤岱王建廷李永萬鄭王喜隨團
在筆架山陣亡十二日

楊俸明隨團在丹稜踏橋陣亡十七日

劉洪順隨團在石馬寺陣亡十八日

王世和黃玉龍隨團在快活山陣亡二十日

韓世澤魏紳坤隨團在西路陣亡

蕭教齊楊顯璜董光洪在崆峒石陣亡

袁春霆袁尊光袁尊才許繼三何汝長袁春泰在快活山陣亡以上均

二十日

袁玉壽伍文秀隨團在觀音場陣亡

舒永沛在姜家渡陣亡 以上均二十三日

李長明何金科宋賢陞楊顯翠倪應登王德海李紹金王國清張

大度宋永光宋興宗管兆喜鄒永阜鄒永權袁春田袁增殿王萬

興陶子柏鄒世慶何正璋姜正仕姜正童王宗喜張成明劉豐裕

曾世林伍永坤 伍富順場人又聞李逆亂隨團擊賊被執至張坎賊營迫降不屈死 李騰祿李盈楷

鄒萬洪蕭武高在牛路口雙古廟陣亡 二十四五日

葉長春隨團在黃沙壩陣亡 今聞被賊誘迫降怒罵不屈遇害長春土地場武生為武舉連城四子

軀幹雄偉勇力遇人嘗輟耕抱牛濯蹄為戲

陶正聰鄒永清陶子學熊正清在雙古廟陣亡

眉山縣志

卷八兵防志

防禦故事十四

漢文石印社代印

張春熙在趙家港陣亡

袁春常在張家坎陣亡

葉長潤陳國鏡在王石萬陣亡 今聞長潤土地場人武生凌霄長子李賊犯眉率團勇戰於八合橋

之死 陶國敬陶正信胡登瀛陶順暢陳德亨陶正春周永存陶子統魏

仕旺陳德耀劉文順雷啟高在八合橋陣亡

宋含玉在土地場陣亡

葉長閏團首卯逆擾黃沙壩率團勇禦賊首先接仗力竭陣亡

袁春廷團首卯逆竄擾袁家灣率團剿賊力竭陣亡

張春熙張應炳周永咸在全家林隨同團衆堵禦李逆與賊接仗

陣亡

葉華喜隨同團衆在牛路口與李逆接仗力竭陣亡以上均二

董洪枚在梧兒林陣亡 二十七日

宋開惠在馬鞍山陣亡 二十九日

趙俸山李若臺在快活山陣亡

王開樹在東瓜場陣亡

賀秀廷王清儒周庭順李逆竄擾快活山隨團堵禦與賊接仗陣

亡以上均十月初一日今聞庭順悅興場人在團服務父應學有

聽刃其父忿與賊門同遇害

陳光文陳光玉劉奇在丹稜屋簷灘陣亡 初三日

眉山縣志

卷八兵防志

防禦故事

十五

漢文石印社代印

徐世有在黃金場陣亡 初五日

李新春邵平天王明舉郭百春郭永彥邵之政陳上靖黃玉龍邵

仕鼎隨團在萬勝場陣亡 初六日

周德讓在東瓜場陣亡 初九日

蔣廷有郭加仲在老君山陣亡

沈長青在凌霄寺陣亡 以上均十二日

傅萬緒彭春元胡紹基蔣宗良徐元思隨團在觀音灘陣亡

沈永貴黃正元胡田元在丹稜陣亡 以上均十三日

余世友邵天明邵元周僧隆珠邵有奇王元鎬尹倫修隨團在丹

稜觀音寺筆架山陣亡 十三至十七日

朱子全隨團在青神楊冲陣亡二十一日

王建秀邱元現李子童王子春邱洪炳王建彭隨團在伏龍場陣亡二十八日

劉玉鏡陳應庚劉玉慶均鎮人盤鰲龔永才鄭加仲在丹稜東門陣亡

十一月初二日今聞玉慶在油房溝遇賊奮門殺三人傷九人及賊大至被害

蔣開磨胡茂雄劉有年盧有貴徐開泰張正先陳朝有在丹稜黃石碑陣亡十二日

楊朝鼎楊朝映隨團首文生王洲在青神羅太坪陣亡

陳金炳劉加端李洪順周俸香周吉相余心臺趙待臣楊朝容余元貴王良甫王生兆余元德徐欽先徐天有在青神土主梧鳳二

眉山縣志

卷八兵防志

防禦故事

十六

漢文石印社代印

場陣亡以上均十四日

袁尚洪在青神梯子口陣亡十六日

周恆啟陳奇通在青神土主場陣亡

張朝亮李世喜李世祿劉應元郭天喜郭榮興在青神申家壩陣亡以上均二十一日

郭永超在青神西門外陣亡十二月十二日

車廷武在青神觀音灘陣亡十九日

周朝倫在青神北門外陣亡二十日

郭永超在青神陣亡同治元年正月十七日

趙燕清在蔴柳場陣亡三月初五日

中興在青神梯子口與賊戰受傷身亡

蕭成應在青神縣城壕壘中槍傷身亡

徐維有監生率團至青神中槍身亡

左柏林藍逆入家逼脅不從罵賊遇害 咸豐十一年三月十八日

馮朝恩熊有第遇李逆逼脅不從同被殺

黃光庭監生在鄒家溝遇李逆擒獲逼脅不從被殺 以上均二
十六日

劉文魁遇賊逼脅不從被害 四月初一日

何有山董光庭胡全喜遇賊逼脅被戕 初二日

蒲萬先被賊執不屈鱗傷身死 初三日

熊學應同子大元大寬遇李賊竄境燒燬民房各執長矛抗拒同

眉山縣志

卷八兵防志

防禦故事

十七

漢文石印社代印

時被戕 二十五日

蒲朝陞賊虜至營不屈被殺 五月初二日

周成垣李朝林遇賊抗拒不屈被害 初三日

李君堦因家有九旬母不忍遠離賊至勸降不從被害 初六日

管必定在姜家渡被李逆追逼投河溺斃 六月初二日

彭大乾弟大榮子述修姪慶修及劉正喜賊擄至象耳寺脅降不

從大罵同被害 初十日

王壽民李逆竄至悅興場被執不屈為賊所殺 十三日

劉正誼治西劉卷子文生為西路團總李逆犯眉時賊黨擄掠至其境集團擒斬不為挫越日賊大至復讎正誼於高塘坎率團百

餘與戰衆寡不敵被賊擄不屈擁至李相橋磔殺之七月初四日

趙福仲隨母逃難遇賊脅投不從被戕初九日

王金科賊擄不從被害八月初六日

黃朝盛賊憾其子開文督團累戰潛竄其家執朝盛勒交開文大

罵不從賊怒殺之十一日

熊正剛史朝壽沈毓釗沈毓炳陳國秀李宗慶黃玉川黃順章黃

殿章遇賊脅從抗拒同被害今詢玉川思濛場人饒膽畧以世亂

居民逃避玉川率子順章殿章及僕彭某出禦斃賊數人賊佯敗分兩翼合攻力不敵父子同僕均遇害

李贊堯遇藍逆由丹稜竄擾思濛父子冲散贊堯往返尋父為賊

所獲脅降不從罵賊被害以上均二十二日

眉山縣志 卷八兵防志 防禦故事 十八 漢文石印社代印

劉貴赴懷德鄉催糧路出思濛為李逆所獲逼投不從大罵被戕九月初五日

陶子學熊正清李逆竄至王石萬被執脅降不屈被殺十二日

張學喜軍功率團勦賊屢獲勝被李逆擄至思濛勸降不從遇害

甚慘十六日

楊顯璜周興謨蕭在福李逆竄踞富順場被執脅降不屈遇害

楊顯翠蕭教齊在富順場遇李逆竄至逃避不及被殺以上均十八日

蕭文興李逆竄踞梧桐園被執脅降不屈被殺二十二日

陶正聰李逆竄白蠟溝被執至姜家渡脅使入夥罵賊被殺二十四日

李銀愷趙應美李逆擾牛路口被執不屈被殺二十五日

葉長武在江家渡為卯逆所執脅使入夥罵賊被殺 二十六日

劉先固隨監生黃國珍往眉州救援與滇匪接戰陣亡

王忠義夜間隨監生黃國珍往劫滇匪營壘在驀頤觀失利陣亡

鍾安國唐太治隨監生黃國珍在眉州西門外助勦滇逆力竭陣

亡以上四名均潼川府中江縣人咸豐十一年五月初六及十八日

焦漢柱韓家場人苦力為生藍李亂被賊執脅降瞋罵不屈賊怒殺之

史榮輝治南處士從父赴思濛場遇賊驚散榮輝往返尋父被賊執不屈死

梁廷春年七十家居被賊執不屈遇害

眉山縣志

卷八兵防志

十九

漢文石印社代印

梁作棟武生死賊難

余世滂有膽略賊竄大石橋肆擄掠率團擊之戰死生人橋

劉漢銀鴻典族弟督團攻賊快活山深入賊巢中數十創死

羅鎮疆眉西人父錦綾入丹稜學帶團至青神駐河東堵賊鎮疆

從行賊潛濟大江繞團營後錦綾退大乳山夜土匪勾賊來劫鎮

疆持戟前拒力戰死

陳在靖治西人年十七祖國秀父岐山被賊執憤甚同兄率鄉勇

數百人搗東皇觀賊巢破之斬獲甚衆次日拒戰乾河橋陷於淖

被槩死越三日兄覓其屍面如生及賊敗走岐山逃回聞國秀竟

罵賊死祖孫殉難聞者哀之以上光緒遺稿

劉宇山盤鰲鎮人在大地口被藍賊執往萬勝場不屈罵賊遇害
汪現友治西十里人李逆亂其父遇賊傷斃現友以身蔽殉
李偉仕治北高廟子人李逆寇眉偉仕練團嚴整有匪託名防兵
白晝估劫民家偉仕鳴鑼匪逸去次日率隊復仇謬指高廟子為
賊巢焚偉仕宅團丁驚走偉仕年六十餘奔馳里許惟十六歲孫
秉陽隨匪追及勉力奮鬥秉陽見祖負傷仆地以身蔽之因殉難
曾孫文駿入庠

熊開邦榮邦太和場人兄弟友恭藍逆擾眉開邦以甲長率團禦
賊榮邦從因衆寡不敵被執榮邦以親老子幼懇釋去方數武見
賊以刃脅開邦降榮邦憤極反救徒手擊賊遂同遇害榮邦子炳

眉山縣志

卷八兵防志

防禦故事

二十

漢文石印社代印

麟入庠有令名

考藍李之役擾攘年餘賴大軍救平各地團練備調遣供策應
亦多扞衛之力死事者得由地方稟報列名忠義錄惟在事出
力之人當時未聞獎敘豈微勞不足錄歟茲將事實昭著為婦
孺所夙知者謹述於篇

劉鑑治北武生為武舉極銳弟滇逆入境捐穀數十石練團扼防
高墩場等處後以官軍援彭援青所向有功性樂善鄰有爭訟者
遇輒解

王庭偉合江鄉團長辛酉九月十七日藍逆再竄丹稜集子喜濤
喜淙及壯丁數百人告之曰賊入吾境焚劫姦殺無不至與坐而

受死何如拒之衆奮固守三角邱賊至相拒五十餘日力戰卻之先後斬獲有差官兵倚為鄉導亦屢奏捷

蔣世芳三蘇場武庠初李西漚先生修撥股祠為董工助捐數百金成其事藍逆由丹竄眉率所練團分路出拒抵老君山被賊圍世芳以忠義激衆冒使突出誘賊至梧兒林設伏三路迎敵殪賊數十人奪獲甚衆嗣為官兵鄉導親抵賊巢賊易之悉衆出官兵乘其後來擊於關帝廟大捷

以上見光緒遺稿

劉正斗白馬鋪團總睽西路各團在癩巴石沙灘子四和場解家山各地與賊戰後率丁赴秦家墩同團首秦光裕協力助勦賊不支潰去西路以安

眉山縣志

卷八兵防志

防禦故事

二十一

漢文石印社代印

秦光裕秦家墩團總賊目何馬蟻子踞場官軍迭攻未退光裕同劉正斗各率丁助勦賊退

徐萬貞古新場庠生奉委辦團常自捐粟集練賊至縱火焚場萬貞率衆擊走之并合劉正斗團攻賊癩巴石亦報捷

邵南光伏龍場團總藍逆入境踞凌江堰山布營數里南光率團攻之與賊戰往復數四勢將不支鄉民爭先趨助卒驅賊去

彭金麟易元盈趙文明均嫻婆嶺團首惟時土匪乘亂蜂起三人整飭團務練丁數百分駐饒灘竹山及漏孔山日夜巡查誅土匪九人境內甯謐金麟以勞卒次年李逆敗踞青神官兵進剿至黑龍場賊死鬥元盈文明率數百丁來助賊大敗壬戌正月官兵合

國奉調紫牛王廟距城北三里二人親冒矢石偕官兵進攻稱得力是役也思濛易元修亦助戰有功

朱正南金花場廩生李逆圍眉正南奉委辦團駐乾明寺合石子復興太平麻柳各場團練分紮沿江石佛鎮太平場下至青神界防賊東渡旋赴省見按察毛震壽陳賊情形請討賊偵隙潛濟筏子渡襲破乾明寺團正南聞警馳歸據山列卡並請仁壽團為援賊鋒不敢東肆及官兵至賊退青神踞石膏岩前倚江為險正南導官兵從山後進攻助以民團分三面環擊殲賊於江事平為仇家告論死或謂辦團多殺有隱孽然其保衛地方之事不可沒也王精涵復興場庠生咸豐三年奉州牧廖葆和委東路團總九年

眉山縣志

卷八兵防志

防禦故事

二十二

漢文石印社代印

州牧李德良委募練勇五百名護城月餘費均自墊次年四月李逆攻井研奉派率團丁三百名同青神舉人張鴻志扼守虎渡溪截殺滇匪五十餘名青令以越界助剿出力上聞保教諭八月藍逆破丹稜眉西南被蹂躪奉札帶丁五百名駐石佛菴防賊東擾十一年四月李逆圍城八月率團與朱正南聯合設防十月賊退青神奉調受軍門蔣玉龍節制帶團千人同官兵克復縣城所著紙甲中賊彈火痕皆滿身臨戰陣十餘次墊欸一千有奇

唐世傑金花場人為朱正南團伍有膽略李逆據青神青龍場即河場壩與場逼近團民日數驚世傑詐降賊誘與團戰暗約官兵襲其後賊潰去居民獲安光緒間外匪竄匿東路搶劫擄掠無所忌州

牧傅廉委帶團偵悉匪巢率團連日分搜擒獲劫匪十餘名正法各場始靖世傑少無賴不齒於鄉後乃躬衛桑梓湔除舊習盡淨咸以為吾吾周處云

光緒二十八年壬寅八月十四日紅燈教匪承北京義和團餘燄藉仇教名逕入省垣貿無忌憚十五日突進彭山僉訝其神莫之阻即日入眉率百餘人纏紅巾執旗械擁一婦曰觀音逕毀下西街福音堂轉踞南城白衣庵州牧高增爵率勇役擊之殲教匪多名餘潰去踞東路沐江寺勾結土匪北擾多悅鎮有仁壽縣熊估眼亦聚教匪數千竄至聲言復仇城中日數驚高牧召集團練四路舉練總率丁勇各數十名扼要為防

東駐洪廟場南駐思濛場西駐萬勝場北駐太和場

眉山縣志

卷八兵防志

防禦故事

二十三

漢文石印社代印

隨派紳宣諭無為邪教煽惑人心始定越日參將何友山率隊過境官紳留駐城團練導由姜家渡入山于桐子坡濫泥溝一帶兜剿斬獲頗多餘黨退踞大王寺高牧復調團練同防兵會剿匪潰亂平

宣統三年辛亥因鐵路收歸國有成都鐵路總局派員各縣立志會爭路權七月十五日省垣罷市各地應之州牧岑兆鳳集紳練團為靖地方計部署未定各地同志軍起眉不能獨異時城內防軍百餘名為之震恐雇舟南下適嘉屬同志軍至用抬炮轟擊防軍舍舟東走同志軍入城署役王福安陰結歐陽清乘夜毀監刼署岑牧驚避州人憤擒王福安誅之焚其屍清颺去後川南同

志軍北上者踵相接均道出眉苦供應八月十五日新津同志軍與舊縣陸軍隔江轟擊不勝復退集眉時城中團防初設局擬并之群議不合勢洶洶幾釀變朱登五以防軍統領自下游來州人留駐城十月初七日成都獨主登五進省慶賀十八日成都暴動復還眉各路同志軍赴省經過者訛傳與朱為仇宣慰使至勸登五仍入省歐陽清又從南上經眉城防拒不納清開炮攻城團練出東門擊之斃數名潰去本地同志軍及各場團丁派駐城中者如故迨知事李芳蒞任分別解散眉境粗安

護國之役

民國四年總統袁世凱自稱皇帝改元洪憲蔡鍔由雲南省起義

眉山縣志

卷八兵防志

防禦故事

二十四

漢文石印社代印

護國川民應之眉人隸戎行者甚衆五月川中獨立旋罷役眉幸無擾

護法之役

民國六年護法之役川滇失和六月滇軍由敘瀘進據仁壽縣川軍奉軍長劉存厚令合力拒戰初十日滇軍別遣司令韓鳳樓率隊入嘉定直上踞青神川軍混成旅團長龔襄由眉率隊出禦駐張家坎列營青神界鴻化山十一日滇軍由青前進阻于水駐滕店子壩上兩軍距里許十四日黎明相對轟擊忽滇軍別隊由青邑西山間道北行至蓮花場斜出石梯坎與滕店兵隊夾擊鴻化山又分趨思濛繞出張坎後我軍被其抄圍無防可守急未入城

時仁壽幸克復混成旅整隊返新津營長朱登五甫抵彭山奉旅長劉成勳令援眉夜四鼓兼程至與龔襄合力防禦是夜滇軍前隊已伏城南左氏園詰朝龔襄率隊出南城聞敵炮急返登陴守滇軍追擊抵城下登五在城上遣隊出西城向南旁擊敵大掩至登五縱步躍下身先督戰襄由城上對轟敵不少卻時城內喪氣兵民爭北走知事王銘新端坐堂皇誓死守人心稍定劉旅長成勳適率大隊至邱營長瑞生前驅遇城兵北走悚以軍法迫使返分遣助登五士氣百倍力戰至申刻收隊城上分段防禦登五專守西城滇軍聯營象耳寺快活山一帶據張坎為後勁十六日進踞城西通惠橋更番死撲呼聲震地登五挺身憤出至城門適敵

眉山縣志

卷八兵防志

防禦故事

二十五

漢文石印社代印

大礮彈洞穿鐵板越耳側飛裂民房不為動開城奮擊助以城樓銅炮殲敵多名十七日登五同劉團長國孝各率隊出北門繞擊西城敵創甚殊不畏死至夜猶冒險梯城于西南亂冢中或束草為人或編紙為砲多方淆亂聲東擊西惟連夜月明由十五日至二十每夜黃昏即月明如晝我軍周城嚴防敵卒不獲逞十九日存厚令團長賴新輝率礮隊由順河場南下從後方向快活山象耳寺敵營猛擊登五出城夾攻至二十日夜分敵力盡潰退登五附城追擊至南門天甫明奉令向西山追剿經思濛至蓮花場沿山南下成勳督同賴新輝砲團由大路進攻經黃中壩張家坎逾鴻化山剋期會青神初敵軍攻鴻化山時分隊由青神東渡經麻柳場復興場王場洪

廟場欲進踞驀頤山王渡扼城東面適獨立團團長陳國棟奉令自仁援眉分遣營長徐邦藩取道石子場前進羅金元取道金花場麻柳場復興場前進敵偵知急由洪廟場退西渡合張家坎軍自是聞敗張坎敵軍欲渡向石佛場東走羅營適至徐營亦自王場趨赴合擊敵西返國棟踵至令沿岸伏截二十一日移駐太平場擊況下駛敵船十餘艘二十二日成勳至青神燈竿店距城北五里敵殊死拒飛調國棟分兵由陳渡達岸助攻國棟復令輜重營長江起恕率隊駐青神對岸嚴為設防截敵東擾之路二十三日登五與新輝合擊敵退入城至夜薄城猛攻敵潰去至劉家場爭渡浮橋人馬溺斃無算青神克復川軍旅長陳洪範已於數日

眉山縣志

卷八兵防志

防禦故事

二十六

漢文石印社代印

前克復嘉定